

四庫全書

集部

欽定四庫全書

粵西叢載卷二十

桂林府通判汪森編

牡荊

寧浦有牡荊指病自愈節不相當者月暈時刻之與病人身齊等置牀下病雖危亦無害也

南方草木狀

荊木寧浦有三種金荊作枕紫荊作床白荊作履與他

處牡荊蔓荊全異

南寧府志

兩廣樹

蒼梧縣南十五里與封川界屬廣東有兩廣樹在封梧之間南北兩柯驗其榮瘁以卜兩省之豐凶

廣西志勝

枕椰木

枕椰樹枝葉並蕃茂與棗檳榔等樹小異然葉下有鬚如麈馬尾廣人採之以織巾子其鬚尤宜醎水浸漬即麈脹而韌故人以此縛舶不用釘線木性如竹紫黑色有文理而堅工人解之以制博奕局此樹皮中有屑如

麵可為餅食之

枕榔木身直如杉又如椶櫚有節似大竹一幹挺上高數丈開數十穗綠色

李德裕詩枕榔樹葉暗蠻溪枕榔身似椶櫚而色綠似竹亦有絲自裏薄似絺綌高七八丈亭亭直上葉大如掌皆攢於樹之杪甚濃密其杪抽絲蔓千百條長丈餘垂下如縷綉綉可玩土人云高二三丈時剗其心粉之作麵甚美南中樹此種形之最異者張九齡詩里樹枕

榔出謂其特高出羣木之表也

西事  
珥

邕州道署後有枕榔樹四株隅立競秀高俱十餘丈玩

之不厭

嶠南  
瑣記

### 娑羅樹

娑羅樹出西番海中余在潯州時官圃一株甚巨每枝  
生葉七片有花穗甚長而黃如粟花秋後結實為粟可  
食正所謂七葉樹也按李邕進娑羅樹狀云此樹不庇  
凡草不止惡禽如得託根長樂擢穎建章布葉重陰比

月中之丹桂連枝接影對天上之白榆東瘁則青郊苦  
而歲不稔西茂則白藏泰而秋有成蓋異樹也佛書一  
曰菩提樹一曰波羅樹又曰中樹影皆曰閻浮山婆娑  
樹影所映一樹而異名爾

慎懋官華  
夸花木考

### 無患木

無患俗名苦珠子可去垢其木用為棒為器以厭百鬼

故名

崔豹古  
今注

無患木燒之極香辟惡氣一名噤婁一名桓昔有神巫

曰瑤牝能符核百鬼擒魑魅以無患木擊殺之世人競取此木為器用却鬼因曰無患木

段成式酉陽雜俎

### 紫檀木

紫檀木出交趾廣西湖廣性堅新者色紅舊者色紫有

蟹爪紋新者以水濕浸之色能染物

曹昭格古要論下同

### 虎斑木

虎斑木出海南其紋理似虎斑故名

今慶遠所屬多有之

### 檀香樹

檀香一名旃檀一名直檀出廣州雲南及占城真臘諸

國今嶺南諸地亦皆有之樹葉皆似荔枝皮青色而滑

澤有三種黃檀

皮實色黃

白檀

皮潔色白

紫檀

皮腐色紫

其木並堅重

清香而白檀黃檀尤盛宜以紙封固則不洩氣紫檀新

者色紅舊者色紫有蠹爪紋白檀辛溫氣分之藥故能

理胃氣調脾肺利胸膈紫檀鹹寒血分之藥故能和營

氣消腫毒治金瘡

王蓋臣羣芳譜

降真香



降真香一名紫藤香一名雞骨香生南海及大秦國今  
兩廣雲南皆有不甚佳舶上來名番降紫而潤者良焚  
之氣勁而遠可以降神故名降真

羣芳譜

### 沙木杉木

沙木與杉同類尤高大葉尖成叢穗少與杉異

虞衡志

思恩荔波二縣西北界上與貴州爛土黎平諸夸相接  
不通王化有美杉生山下山頽壓覆不知幾千百年矣  
夸云是諸葛丞相伐而埋之雖未盡然要亦兩漢先秦

時物也夸人每候其地有紫氣上騰則羣聚穿土輒得之紫色堅類牛角投於水即沈解為棺出市之恨薄而且短以道險出之難也曾聞有該縣尹欲得厚且長者遣親信詣彼求之夸怒曰爾欲使官府擾我乎殺之然實天下之至寶也

月山叢談

沙木出廣西四川色黃紋理稍黑花紋細者可愛直理者多性最柔可圈素新者有香濁甚

格古要論

杉木出四川廣西江西湖廣徽州等處俗呼曰杉木又

曰檄木色白而其紋理黃稍紅有香甚清或云南蕃腦  
子生此木中有花紋細者如雉雞斑甚難花紋粗者亦  
可愛直理不花者多

同上

### 榕

榕樹南海桂林多植之葉如木麻實如冬青樹幹拳曲  
是不可以為器也其本稜理而深是不可以為材也燒  
之無焰是不可以為薪也以其不材故能久而無傷其  
蔭十畝故人以為息焉而又枝條既繁葉又茂細軟條

如藤垂下漸漸及地藤梢入地便生根節或一大株有根四五處而橫枝及隣樹即連理南人以為常不謂之

瑞木

南方草木狀

榕易生之木又易高大可覆數畝者甚多根出半身附幹而下以入土故有榕木倒生根之語禽鳥銜其子寄生他木上便蔚茂根下至地得土氣久則過其所寄

虞衡

志

粵西藩臬二司外守巡道俱無衙宇余間入會城嘗憩

於兩廣公署前庭有榕檜二樹駢生蟠根合體互相糾  
結異枝交蔭蒼翠成帷每婆娑其下玩之不忍去

梧得雜佩

昔山谷南遷維舟榕下後人為作榕溪閣

南軒文集

### 楓

廣西南寧府橫州其地楓始生葉有虫食之虫形似蠶  
而赤黑四月間熟亦如蠶之將絲州人擘取其絲光明  
如琴絃海濱蠻人鬻之作釣緝甚適於用

陳霆雨山墨談

五嶺之間多楓木歲久則生癭瘤一夕遇暴雷驟雨其

樹贅暗長三五尺謂之楓人越巫取之作術有通神之

驗取之不以法則能化去

南方草木狀

楓樹子大如雞卵二月華已乃著實八九月熟曝乾燒

之香馥

段成式酉陽雜俎

### 柳

予師帶溪曲公自西粵左轄入覲為予言西粵無柳僅  
藩司一株每吐葉則司中設席請三司賞柳以為奇觀  
後以質之予同年唐兄抱一唐云豈止此某鄉紳園中

仍有一株夫柳中土林立而粵西至比之異卉竒葩然則物之貴賤豈有定哉

羣芳譜

桂

臨桂縣荔水水源多生桂桂生處不生雜樹

十道志

桂南方竒木上藥也桂林以桂名地實不產而出于賓宜州凡木葉心皆一縱理獨桂有兩紋形如圭製字者意或出此葉味香甘與皮無別而加芳美人喜咀嚼之

虞衡

志

桂皮根上厚皮內肉為桂心中薄者名桂皮樹枝表小

枝即桂枝作三等用

南寧府志

桂林八樹山海經云在賁禺東今云即桂州不知賁禺東是桂郡否也今粵西地最宜桂大者十圍終年葱蒨秋風時起四遠聞香至冬枝端結子纍纍然如小蓮子中

空有漿

百粵風土記

### 筍桂

筍桂生交趾桂林山谷嵒厓間無骨正圓如竹立秋采



之  
本草  
綱目

鐵力木黃連木

鐵力一名石鹽一名鐵稜可作棟梁

南寧府志

邕人言鐵力木能上水僅可百餘年惟黃連木最能久

嶠南  
瑣記

黃連木作棺槨堅久

南寧府志

椿樹

道內有大椿樹二株高十餘丈蒼鬱濃茂在廳事之前

對立危聳數百年物也

嶠南  
瑣記

### 寓木

木之寄生者曰寓木見山海經梧之桑寄生酒為佳然

粵人不事蠶作真寄桑者甚鮮

嶠南  
瑣記

土產異藥有猪腰子也金藤勾金皮玄黃基多治腫毒  
而桑寄生尤多土人不知飼蠶桑皆合抱枝葉無損氣  
溢而為寄生功力倍於他處其他鯖魚膽蚺蛇膽蛇黃

三七山豆根皆佳

百粵風  
土記

五嶺以南絕無霜雪最宜樹樹上多寄生本即山海經所謂寓木也而桑寄生以入藥名獨著梧之長州饒有之採時須令并桑枝摘取不爾即雜以他木莫可辨

張七

澤梧得雜佩

### 茶樹

修仁茶修仁本靜江府屬縣製片二寸許上有供神仙

三字者上也大片粗淡

通志下同

紅花茶宋鄒道卿有詩稱其能消鬲禦烟嵐

豬腰子

豬腰子生柳州蔓生結莢內子大若豬之內腎狀長三

四寸色紫而肉堅彼人以充土宜饋送中土

本草  
綱目

雞桐

雞桐葉如棟其葉煮湯療足膝疾

虞衡志  
下同

思榭木

思榭木生兩江州洞堅實漬鹽水中百年不腐

龍骨木

龍骨木色翠青狀如枯骨

木綿

斑枝花樹大可合抱高四五丈葉黃花紅如山茶而片

極厚一名木綿出南方俗譌作攀枝花

羣芳譜

木棉一名瓊枝其高數丈樹類梧桐葉類桃而稍大花色深紅類山茶春夏花開滿樹望之爛然如綴錦花謝結子大如酒杯絮吐於口茸茸如細毳舊云海南蠻人織為布名曰吉貝今第以充襦禡取其軟而溫未有治

以為布者潯梧間亦多有之但土人未嘗採取隨風飄

墜而已

梧潯  
雜佩

### 臘脂木

臘脂木堅緻色如臘脂可鑿作出融州及州洞桂林屬

縣亦有之

虞衡志  
下同

### 風膏藥

風膏藥葉如冬青治太陽疼頭目昏眩

### 南漆

南漆如稀飴氣如松脂霑霑無力

綿木

綿木生永寧山中義寧陽朔皆有之細幹而柔勒治為

刀鎗柄長能及遠輕且不折

百粵風  
土記

烏藥

烏藥南人亦呼為矮樟生嶺南邕州容州樹生似茶高  
丈餘一葉三椹葉青陰白根狀似山芍藥及烏樟根色

黑褐作車轂紋橫生八月采根其直根者不堪用

本草  
綱目

蚊子樹

有樹如冬青實生枝間形如枇杷子每熟即圻裂蚊子  
羣飛唯皮殼而已土人謂之蚊子樹

嶺南  
錄異

檳榔

木實曰檳榔樹無枝略如柱其顛生毬而秀生棘針重  
疊其下彼方珍之以為口實出交趾

廣  
志

檳榔樹高十餘丈皮似青桐節如桂竹下森秀無柯端  
頂有葉葉似甘蔗條派開破仰望眇眇如鋪叢蕉於竹



杪風至獨動似舉羽扇之掃天葉下繫數房房綴數十

子家有數百樹

林邑記

檳榔樹若筍竹生竿近上未五六尺間洪腫起如癭木  
焉因折裂出若黍秀也無華而為實大如桃李天生棘  
重累其下所以禦衛其實也剖其上皮煮其膚熟而實  
之堅如乾棗以扶留藤古貢灰并食則滑美下氣及宿

食消穀

異物志

檳榔土人以為貴款客必先進若邂逅不設用相嫌恨

南中八  
郡志

檳榔信南越之可觀子既非常木亦特異大者三圍高者九丈葉聚樹端房構葉下華秀房中子結房外其擢穗似禾其綴實似穀其皮似桐而厚其節似竹而概其中空其外勁其屈如覆缸其申如繩繩本不大末不小上不傾下不邪稠直亭亭千百若一步其林則寥朗庇其陰則蕭條信可以長吟可以遠想矣性不耐霜不得北植必當遐樹海南遼然萬里弗遇長者之目自令人

恨深

俞益期跋

嶺南人以檳榔代茶且謂可以禦瘴余始至不能食久之亦能稍稍居歲餘則不可一日無此君矣故嘗謂檳榔之功有四一曰醒能使之醉蓋每食之則薰然頰赤若飲酒然東坡所謂紅潮登頰醉檳榔者是也二曰醉能使之醒蓋酒後嚼之則寬氣下疾餘醒頓解三曰饑能使之飽蓋饑而食之則充然氣盛若有飽意四曰飽能使之饑蓋食後食之則飲食消化不至停積嘗舉似

於西堂先生范旂叟曰子可謂檳榔舉主矣然子知其功未知其德檳榔賦性疏通而不洩氣稟味嚴正而有餘甘有是德故有是功也

羅大經鶴林玉露

闕廣人食檳榔取其驅瘴癘之氣至稱其四德曰醒能使醉醉能使醒饑能使飽飽能使饑然檳榔破癥消積殊有神效余食後輒餌之至今不能一日離也按本草謂其能殺三蟲下胸中至高之氣夫余之百鍊剛化作繞指柔亦已久矣縱微服此胸中寧復有至高之氣乎

本草原始曰賓與郎皆貴客之稱交廣人凡賓客勝會必先呈此故以檳榔名也

謝肇淛五雜俎

啖檳榔和萋葉蘸少灰咀之大率與閩廣同檳榔以瓦缶浸令軟萋葉小而味薄春夏無葉則嚼其根味亦香辛食之既久唇紅齒頰處處吐水石上如一團鮮血乍

見駭人

百粵風土記

檳榔出廣西鬱林州樹如棕櫚高七八丈擇葉可為扇不引風氣其實尖者為貴與石灰同食令人齒黑故有

雕題黑齒之俗實能辟瘴氣故土人日日早食客至傳

以相待

格古  
要論

### 納子

山檳榔一名納子幹似蔗葉類柞一叢千餘幹幹生十

房房底數百子四月採

法  
真疏

山檳榔形小而大於納子納子土人亦呼為檳榔

廣州  
記

### 龍眼荔枝卻貢

漢永元十五年嶺南舊貢生龍眼荔枝十里一置五里

一候晝夜傳送臨武長汝南唐羌上書曰臣聞上不以滋味為德下不以貢膳為功伏見交趾七郡獻生龍眼等鳥驚風發南州土地炎熱惡蟲猛獸不絕於路至於觸犯死亡之害死者不可復生來者猶可救也此二物升殿未必延年益壽帝下詔曰遠國珍羞本以薦奉宗廟苟有傷害豈愛民之本其勅太官勿復受獻

資治通鑑

### 荔枝

汝南唐羌為臨武長縣接交州州舊貢荔枝及生犀獻

之羗上書諫乃止

謝承後漢書

蒼梧多荔枝生山中人家亦種之

共錄

南方果之美者有荔枝梧州火山者四月先熟而味少劣其高潘者最佳五六月方熟有無核類雞卵大者其肪瑩白不減水精性熱液甘乃奇實也

北戶錄

荔枝樹高五六丈如桂樹綠葉蓬蓬冬夏鬱茂青華朱實實大如雞子核黃黑似熟蓮子實白如肪甘而多汁似安石榴有甜酢者夏至日將已時翕然俱赤則可食



也一樹下子百斛荔枝熟時百鳥肥其名之曰焦核小  
次曰春花次曰胡偈此三種為美似鼈卵大而酸以為

醢和率生稻田間

廣志

荔枝自湖南界入桂林纔百餘里便有之亦未甚多昭  
平出檳核臨賀出綠色者尤勝自此而南諸郡皆有之

悉不宜乾肉薄味淺不及閩中所產

廣志

核之細者謂之焦核荔枝之最珍者也

廣志

潯州亦有荔枝獨平南所出最佳皮色綠而雜以紅點

斑駁可愛名曰綠葉香味亦不下鬱林又自邑至郡疾

行半日可達故鮮美尤勝

梧潯雜佩

### 山韶子

山韶子色紅肉如荔枝夏實

虞衡志

韶葉如栗赤色子大如栗有棘刺破其皮內有肉如豬

肪著核不離味甘酢核如荔枝

本草綱目

### 龍眼

龍眼樹如荔枝但枝葉稍小殼青黃色形圓如彈丸核

如木椀子而不堅肉白而帶漿其甘如蜜一朵五六十  
顆作穗如蒲萄然荔枝過即龍眼熟故謂之荔奴如言  
常隨其後也東觀漢記曰單于來朝賜橙橘龍眼荔枝  
魏文帝詔羣臣曰南方果之珍異者有龍眼荔枝今歲

貢焉出九真交趾

南方草木狀

龍眼南州悉有之極大者出邕州園如當二錢但肉薄

不能遠過常品為可恨

虞衡志

龍眼樹葉似荔枝蔓延緣木生子如酸棗色墨純甜無

酸七月熟

廣志

龍眼一名益智一名比目

吳氏本草

龍眼自尉陀獻漢高帝始有名見西京雜記左太冲賦  
旁挺龍目即此梧潯署中皆有之結實甚繁剖之色瑩  
白政如水晶丸核映於外味亦甘美但微覺草氣風韻  
遠遜荔枝故謂之荔枝奴蘓長公曰閩越人高荔子而  
下龍眼吾為平之荔子如食蛭蝟大螬斫雪流膏一噉  
可飽龍眼如食彭越石螬嚼嚙久之了無所得然酒闌

口爽饜飽之餘則啞啄之味石蜊有時勝蜂螯也長公  
此語足為荔奴解嘲

梧澤  
雜佩

### 山龍眼

山龍眼出廣中夏月熟色青肉如龍眼亦龍眼之野生  
者也

虞衡志  
下同

### 龍荔

龍荔殼如小荔枝肉味如龍眼木之身葉亦似二果故  
名可蒸食不可生啖令人發癩或見鬼物三月開小白

花與荔枝同時

柳

柳樹高六七丈無枝條葉如束蒲在其上實如瓠繫在  
於山顛若挂物焉實外有皮如胡盧核裏有膚白如雪  
厚半寸如豬膚食之美於胡桃味也膚裏有汁升餘其  
清如水其味美於蜜食其膚可以不飢食其汁則愈渴  
又有如兩眼處俗人謂之越王頭

異物志

柳二月花色仍連著實房相連累房三十或二十七八

子十一月十二月熟其樹黃實俗名之為丹也橫破之

可作椀或微長如栝萋子從破之可作為爵

南方草木狀

柳樹大三四圍長十丈通身無枝至百餘年狀如蕨菜  
長丈四五尺皆直竦指天其實生葉間大如升外皮苞  
之如連狀皮中核堅過於核裏肉正白如雞子著皮而  
腹內空含汁大者含升餘實形團團然或如瓜萋橫破

之可作爵形並應器用故人珍貴之

南方異物志

椰子有漿截竹以竹筒承其汁作酒飲之亦醉

交州記

椰子木身葉悉類椶櫚枕榔之屬子生葉間一穗數枚  
枚大如五升器果之大者謂唯此與波羅蜜等耳皮中  
子殼可為器子中瓤白如玉味美如牛乳瓤中酒新者  
極清芳久則渾濁不堪飲

虞衡志

椰子木出廣西梧州府鬱林州樹似檳榔實大如瓜堪  
為飲器椰杯出兩廣安南類瓢且厚實黃黑色肉白可  
食鋸開中有酒微酸謂之椰子酒或漆或銀鑲作酒杯  
小者最貴而難得大者作酒壺勸盤酒注水杓之類或



云酒傾入有毒則爆故出路人多帶之

格古要論

### 波羅蜜

波羅蜜大如冬瓜外膚礪礪如佛髻削其皮食之味極

甘子練悉如冬瓜生大木上秋熟

虞衡志

波羅蜜乾濕胞二種剖之若蜜其香滿室間有根結地

裂香出尤美

南寧府志

波羅蜜樹高五六丈樹類冬青而黑潤倍之葉極光淨  
冬夏不凋樹至斗大方結實不花而實出於枝間多者

十數枚少者五六枚大如冬瓜外有厚皮裹之若栗毬  
上有軟刺礪砢五六月熟時顆重五六斤剥去外皮殼  
內肉層叠如橘囊食之味至甜美如蜜香氣滿室一實  
凡數百核核大如棗其中仁如栗黃煮炒食之甚佳果  
中之大者惟此與椰子而已

本草  
綱目

### 優曇鉢

優曇鉢一名無花果廣西優曇鉢不花而實狀如枇杷

方輿  
志

橄欖

橄欖有二種曰香曰大

南寧府志

橄欖樹身聳枝皆高數尺其子深秋方熟生喫及煮飲  
悉解酒毒有野生者子繁樹峻不可梯緣但刻其根下  
方寸許納鹽於其中一夕子皆自落樹枝節上生脂膏  
如桃膠南人採之和其皮葉煎之調如黑飴謂之橄欖

糖

嶺表錄異

橄欖子獨根樹東向枝曰木威南向枝曰橄欖

酉陽雜俎

橄欖子大如棗大如鷄子二月華色仍連著實八月九

月熟生食味酢蜜藏仍甜

南方草木狀

橄欖大如雞子交州以飲酒

廣志

烏欖

烏欖如橄欖青黑色肉爛而甘

虞衡志下同

方欖

方欖亦橄欖類三角或四角出兩江州洞

波斯橄欖

波斯橄欖生邕州色類相似但核作兩瓣野生者樹峻  
而子繁蜜漬鹽淹皆可藏久用之致遠作佳果

羣芳譜

赤柚子

赤柚子如橄欖皮青肉赤

虞衡志

羅晃子

羅晃子如橄欖其皮七重

同上

橘

橘有火皴橘金橘蜜橘綉橘等類

南寧府志

金橘出營道者為天下冠出江浙者皮甘肉酸不逮矣

虞衡志

### 柚

柚子南州名臭柚大如瓜人亦食之皮甚厚打碑者卷皮蘸黑以代羶刷宜黑而不損紙極便於用此法可傳

但此州無許大柚耳

虞衡志

柚子紅白二種一名柑一名香柑樹高二三丈黃色皮

厚肉甘

南寧府志

饅頭柑近蒂起饅頭尖者味香勝可埒永嘉孔柑

虞衡志

### 枸椽

枸椽生嶺南柑橘之屬木似朱欒而葉尖長枝間有刺植之近水乃生其實狀如人手有指俗呼為佛手柑有長一尺四五寸者皮如橙柚而厚皺而光澤其色如瓜生綠熟黃其核細其味不甚佳而清香襲人南人彫鏤花鳥作蜜煎果食置之几案可供玩賞若安闕片於蒂而以濕紙圍護經久不癯或擣蒜菴其蒂上則香更充

溢

本草  
綱目

枸櫞樹似橘實如柚大而倍長味奇酢皮以蜜煮為糝南方草木狀形如瓜皮似橙而金色極芬香肉甚厚白如蘆菔夸人重之女工競雕鏤花鳥似蜂蜜點燕擅巧麗妙絕無與為比異物志皮不香味不美可以浣治葛

芋若酸漿近有佛指櫞自閩中徙植者

南寧府志

### 搭骨子

搭骨子匾如大橘皮裏空虛

虞衡志



蘿蒙子

蘿蒙子黃如大橙柚

同上

羅望子

羅望子殼長數寸如肥皂又如刀頭色正丹內有二三

實煨食甘美

虞衡志

蘿旺子六月熟名九層皮

兩寧府志

太平府有羅望果自外皮剝至見膚凡九層食之甚甘

廣東人呼為九皮果

朱國禎湧  
懂小品

黃肚子

黃肚子如小石榴

虞衡志  
下同

布衲子

布衲子似李而黃

菩提

菩提狀如北地沙果皮味香甜可食

兩寧  
府志

部諦子

部諦子色黃如大石榴

虞衡志  
下同

不納子

不納子似黃熟小梅絕易爛爛即破肉附核可為經珠  
似菩提子

人面子

人面子如大梅李核如人面兩目鼻口皆具肉甘酸宜  
蜜煎

人面子取其仁薦茶最佳南方草木狀人面子樹似含  
桃結子如桃實無味其核正如人面以蜜漬之稍可食

以其核可玩於席間飮餽御客

南寧府志

人面木出鬱林州春花夏實秋熟兩邊似人面故名

古格

要論

### 芭蕉子

芭蕉三種小者曰牙蕉大者曰芭蕉長六七寸者曰山

蕉

南寧府志

蕉子芭蕉極大者凌冬不凋中抽幹長數尺節節有花  
花褪葉根有實去皮取肉軟爛如綠柿極甘冷四季恒

實土人或以飼小兒云性涼去客熱謂之蕉子又名牛蕉子以梅汁漬暴乾按令扁味甘酸有微霜世所謂芭

蕉乾者是也

虞衡志下同

雞蕉子小如牛蕉亦四季實

芽蕉子小如雞蕉尤香嫩甘美秋初實

### 五斂子

五斂子大如木瓜黃色皮肉脆軟味極酸上有五稜如刻出南人呼稜為斂故以為名以蜜漬之甘酢而美出

南海

南方草  
木狀

五稜子形甚詭異瓣五出如田家碌碡狀味甘酸久嚼

微甘閩中謂之羊桃

虞衡志

楊桃一名五斂子有五稜南人呼稜為斂

南寧府志

楊桃似橄欖其味甜五月十月熟諺曰楊桃無感一歲

三熟其色青黃核如棗核

賈思勰齊民要術

木竹子

木竹子皮色形狀全似大枇杷肉甘美秋冬間實

虞衡志

黃皮果

黃皮子如小棗

虞衡志

黃皮果出廣西橫州狀如棟子及小棗而味酸

海槎錄

桃

冬桃狀如棗深碧而光軟爛甘酸春夏熟

虞衡志

冬桃似橄欖色綠肉軟味酸

南寧府志下同

桃有胭脂桃鷹嘴桃七月桃十月桃

匾桃大如桃而匾色正青

虞衡志

梅

廣西桂林府滿山皆梅開時作梅瘴易染人

遺摭

余頃守桂林立春梅已過元夕則嘗青子非風土之正

范成  
大集

袁豐之宅後有梅六株開時曾為鄰屋烟所爍乃團泥塞竈張幕蔽風久而又折其屋曰冰姿玉骨世外佳人

但恨無傾城之笑耳

張洞林  
桂林志

嶺南之梅小於江左居人采之雜以朱槿花和鹽曝之



梅為槿花所染其色可愛又有選大梅刻鏤瓶罐結帶

之類取棹汁漬之

棹木  
葉汁

亦甚甘脆

北戶  
錄

### 黎滕子

黎滕子如大梅復似小橘味極酸

虞衡志  
下同

### 殼子

殼子如青梅味甘

### 李

李有珍珠李麥黃李苦李郁李素門李

兩寧  
府志

綿李味甘美勝常品擘之兩片開如離核桃

虞衡志

火炭子

火炭子如烏李

虞衡志  
下同

木賴子

木賴子如淡黃大李

逃軍糧

逃軍糧一名倒粘子以軍逃山食之

南寧府志

毛韶

毛韶俗曰毛荔枝味酸肉粘核上

### 地蠶

地蠶生土中如小蠶又似甘露子

虞衡志

丘文莊羣書鈔方云白蘘荷用為道常服之不過蠱毒  
且曰柳子厚在柳州曾種之余至南寧嘗求之柳州亦  
無識者按松江志云俗呼為甘露子根如蠶蛹莖葉如  
薄荷能治蠱毒冬月取根雜鹽菜藏之味極甘脆即石

湖所謂地蠶者是也

南寧府志

石栗

石栗樹與栗同但生於山石罅間花開三年方結實其殼厚而肉少其味似胡桃仁熟時或為羣鸚鵡至啄食略盡故彼人多珍貴之出日南

南方草木狀

石栗圓如彈子每顆有梗抱附之類杓柄肉黃白甘韌似巴欖子仁附肉有白靨不可食發病北人或呼為海

胡桃

虞衡志

石栗子皮黑厚堅肉白

南寧府志

槎擦子

槎擦子如錐栗肉甘而微澀

虞衡志下同

毛栗

毛栗如橡栗

藤核子

藤核子生白藤上如小蒲桃

木連子

木連子如胡桃紫色

持乃子

持乃子狀似榧而圓長端正

餘甘子

餘甘子多販入北州人皆識之其木可以制器

菴摩勒即餘柑子本草云主補益強氣力

南寧府志

餘甘子梭形初入口舌澁酸飲水乃甘又如梅實核兩

頭銳呼為餘甘橄欖同一物異名耳

臨海異物志

秋風子

秋風子色狀俱似棟子

虞衡志下同

朱圓子

朱圓子正圓深紅狀如棟子冬實

櫓罌子

櫓罌子大如半升椀諦視之數十房攢聚成毬每房有縫冬生青至夏紅破其瓣食之微甘

粉骨子

粉骨子皮黃色如粉

千歲子

千歲子有藤蔓出土子在根下鬚綠色交加如織其子一苞恒二百餘顆皮殼青黃色殼中有肉如栗味亦如之乾者殼肉相離撼之有聲似肉豆蔻出交趾

南方草木狀

千歲子如青黃李味甘

虞衡志

粘子

粘子如指面大褐色

虞衡志下同

羊矢子



羊矢子色狀全似羊矢味亦不佳

日頭子

日頭子狀如櫻桃色如蒲桃穗

赤棗子

赤棗子如酸棗味酸

古米子

古米子殼黃中有肉如米粒

藤韶子

藤韶子大如鳧卵柿秋實

紅鹽草果

紅鹽草果取生草荳蔻入梅汁鹽漬令色紅暴乾以薦酒

鸚哥舌

鸚哥舌即紅鹽草果之珍者實始結即頻取紅鹽乾之纔如小舌

甘蔗

交趾有甘蔗園數寸長丈餘頗似竹斷而食之甚甘筴

取汁曝數時成飴入口消釋彼人謂之石蜜

南中八郡志

藤州土人沿江種甘蔗冬初壓取汁作糖以淨器貯之

蘸以竹枝皆結霜

方輿勝覽

### 藤

浮沉藤生子大如壺甌正月華色仍連著實十月臘月

熟色赤生食之甜酢生交趾九真

南方草木狀下同

蔕子藤生綠樹木正二月花四五月熟實如梨赤如雄

雞冠取生食之味淡泊出交趾

野聚藤緣樹木二月花色仍連著實五六月熟子大如

羹甌俚民煮食其味甜酢出蒼梧

花藤鋸以為器用中有花紋

虞衡志

花藤出廣西身細而斑黑堪作拄杖身粗者俗

格古要論

胡蔓藤毒草也揉其草漬之水入口即死

虞衡志

扶留吳錄地里志藤緣木而生味辛可以食檳榔廣州

記其花實即蒟也可以為醬異物志古賁灰牡礪灰也

與扶留檳榔三物合食而後善也俗曰檳榔扶留可以  
忘憂廣州記扶留有三種一名獲扶留其根香美一名  
南扶留葉青味辛一名扶留藤味亦辛亦曰萑茷俗呼

萑


南寧府  
志下同

膠藤汁可染扇

滑藤汁可調三合土

石蓮子生藤長一二丈藤上有刺鄉人栽之作圍牆苦  
寒無毒治下血禁口痢解胃熱織段絹機房多用之

也金藤治喉雙鵝  
慶遠府志



粵西叢載卷二十

欽定四庫全書

集部

粵西叢載卷三

詳校官庶吉士臣瑚圖禮

主事銜臣徐以坤覆勘

總校官庶吉士臣朱 鈐

校對官學正臣常 循

謄錄監生臣朱清渠



欽定四庫全書

粵西叢載卷二十一

桂林府通判汪森編

素馨茉莉

素馨花比番禺所出為少當由風土差宜故也

虞衡志下同

茉莉花亦少如番禺以浙米漿日澆之則作花不絕可耐一夏花亦大且多葉倍常花六月六日又以治魚腥水一澆益佳

茉莉重臺者名之單臺者名素馨香氣一也

南寧府志下同

素馨與茉莉俱出

闕

種昔劉王有侍女名素馨其塚上

生此花因以得名葉有五瓣似十姊妹光嫩如狗牙花

### 山薑

山薑出九真交趾今閩廣皆有之劉恂嶺表錄異云莖葉皆薑也但根不堪食與紅豆蔻花相似而微小爾花生葉間作穗如麥粒嫩紅色南人取其未大開者謂之含胎花以鹽水淹藏入甜糟中經冬如琥珀色辛香可

愛用為鱠無以加矣又以鹽殺治暴乾者煎湯服之極

除冷氣甚佳

本草  
綱目

木槿

木槿名佛桑有紅白紫黃數色純白無間者名舜英

南寧

府志

裏梅花即木槿有紅白二種葉似蜀葵采紅者連葉包裏黃梅鹽漬暴乾以薦酒故名玉修花粉紅色四季開

虞衡

志

大邑縣志

粵西叢載

嶺表朱槿花莖葉皆如桑樹葉光而厚

南人謂之佛桑

樹身高

者止於四五尺而枝葉婆娑自二月開花至於中冬方歇其花深紅色五出如大蜀葵有藥一條長於花葉上綴金屑日光所爍疑有燄生一叢之上日開數百朵雖繁而有艷且近而無香暮落朝開插枝即活故名之槿俚女亦採而鬻一錢售數十朵若徵此花紅梅無以資

其色

嶺表錄異

嶺南紅槿自正月迄十二月常開秋冬差少耳

嶺南異物志

山茶

南山茶葩萼大倍中州者色微淡葉柔薄有毛結實如  
梨大如拳中有數子如肥皂子大別自有一種如中州  
所出者

虞衡志

美人蕉花

美人蕉自東粵來者其花開若蓮而色紅若丹產福建  
福州府者其花四時皆開深紅照眼經月不謝中心一  
朶曉生甘露其甜如蜜即常芭蕉亦開黃花至曉瓣中

甘露如飴食之止渴產廣西者樹不甚高花瓣尖大紅色如蓮甚美又有一種葉與他蕉同中出紅葉一片亦名美人蕉一種葉瘦類蘆箬花正紅如榴花日拆一兩葉其端一點鮮綠可愛春開至秋盡猶芳亦名美人蕉

羣芳

譜

### 鐵樹花

鐵樹高二三尺幹葉皆紫黑色葉小類石楠質理細厚每遇丁卯年則花開四瓣紫白色如瑞香較小圓耳一

開數月不凋嗅之有草氣俗語事難成者則曰須鐵樹

花開即此

南寧府志

烏鎮王天雨濟為橫州判嘗云橫之馴象衛指揮殷貫家有盆樹一株高可三四尺問於主人曰此鐵樹也每遇丁卯年則花開吾父生時花開今復二次矣

郎瑛七修類藁

上元紅

上元紅深紅色絕似紅木瓜花不結實以燈夕前後開

故名

虞衡志下同

白鶴花

白鶴花如白鶴立春開

紅荳蔻花

紅荳蔻花叢生葉瘦如碧蘆春末始發初開花先抽一  
榦有大籜包之籜解花見一穗數十蕊淡紅鮮妍如桃  
杏花色蕊重則下垂如蒲萄又如火齊纓絡及剪綵鸞  
枝之狀此花無實不與草荳蔻同種每蕊心有兩瓣相  
竝詞人托興曰比目連理云



泡花

泡花南人或名柚花春末開蕊圓白如大珠既拆則似  
茶花氣極清芳與茉莉素馨相逼番人采以蒸香風味  
超勝

紅蕉花

紅蕉花葉瘦類蘆箬心中抽條條端發花葉數層日折  
一兩葉色正紅如榴花荔子其端各有一點鮮綠尤可  
愛春夏開至歲寒猶芳又有一種根出土處特肥飽如

膽餅名膽餅蕉

水西花

水西花葉如萱草花黃夏開

史君子花

史君子花蔓生作架植之夏開一簇一二十葩輕盈似

海棠

枸那花

枸那花葉瘦長畧似楊柳夏開淡紅花一朶數十萼至

秋深猶有之

石榴花

石榴花南中一種四季常開夏中既實之後秋深忽又大發花且實枝頭碩果罅裂而其旁紅英粲然併花實折飭盤筵極可玩

象蹄花

象蹄花如梔子而葉小夏開至秋深

添色芙蓉花

添色芙蓉花晨開正白午後微紅夜深紅

側金盞花

側金盞花如小黃葵葉似槿歲暮開與梅時同

飛來蓮

駁鹿山僧堂前池水紺碧間出蓮花五色絢爛名飛來

蓮

嶠南  
瑣記

竹

臨賀東山中有大竹數十圍高亦數十丈有小竹生其

旁皆四五圍下有盤石徑四五丈極方正青如彈碁局  
兩竹屈垂拂掃石上初無塵穢未數十里聞風吹此竹

如簫管之音

盛弘之  
荊州記

峰州糞泠縣有大竹數圍實中任屋梁柱覆用之則當

瓦

南中八  
郡志

嶺南人當有媿於竹食者竹筍庇者竹瓦載者竹筏爨  
者竹薪衣者竹皮書者竹紙履者竹鞋真可謂一日不

可無此君也邪

梧潯  
雜佩

斑竹

斑竹中有疊暈江浙間斑竹直一淚痕無暈也

虞衡志

湘源縣十二月食斑皮竹笋諸笋無以及之吳錄云馬

援至荔浦見冬笋名曰苞笋

梅聖俞臘笋詩馬援當時見曾將禹貢評自註伏波

至荔浦見冬笋上言禹貢厥包橘柚疑是謂也

博物志曰斑竹笋堯女以涕揮

竹竹盡斑也爾雅曰笋竹之萌說文曰笋竹胎詩疏義

笋皆四月生巳竹笋生八月筍竹笋冬夏生永嘉記舍

墮竹笋六月生愚按山海經竹生花其年便枯六十年

一易根必結實而枯死實落土復生六年還成町也竹譜曰筴必六十年復亦六年是也南中有以竹為刀錯子者如少鈍復以漿水洗之如初廣州記云石林竹勁利削為刀切截象皮如截草也

北戶錄

湘中斑竹方生時每點上有苔錢封之甚固土人斫竹浸水中草穰洗去苔錢則紫暈斑斑可愛退之詩刺苔弔斑竹角黍餌沉塚是也

焦氏說楛

斑竹有硃砂斑羊眼斑撒雨斑狗蚤斑等名舜崩蒼梧

二妃未之從也何淚竹之多邪可資一笑

百粵風土記

湘竹有全紋者圍僅三四寸斑亦不老畧大則止半面

有斑而體甚薄用則析取其有紋者謂之片竹

嶠南瑣記

斑竹生於下邊山思衛上邊山之石城隘二三年向陽者生有斑紋細黑如螺紋如龜貝紋用沙水磨濯其花始見近因獐賊所居潛伏為盜不敢採伐蘇杭人珍之取為簾輿簾屏牀几文具之物後採者甚衆淺年者斑文不佳佳者亦不多得

永福縣志



桃竹

桃枝竹多生石上葉如小梭攔人以大者為杖

虞衡志

桃竹長爽纖葉青肌薄皮

南寧府志

梭竹出廣西葉如棕攔其身似竹堅且實又名桃竹

古格

要論

貓竹

貓頭竹質性類筍竹

虞衡志

貓竹方言謂之茅竹大者可屋嫩者可紙

南寧府志

沙麻竹

沙麻竹人削以為弓弓似弩淮南所謂溪子弩也或曰

蘇麻竹或曰粗麻竹

南越志

沙麻竹廣桂皆植大如蓋筮竹厚而空小一人止擎一莖堪為茅屋之椽梁也其種者多鉉其竿每截二寸許釘入土不逾月而生根葉明年長芽筍不三載而為林

蓋土地所宜也

嶺表錄異

雪竹

雪竹出廣西斑極大色紅而有暈

嶺表錄異

### 澀竹

澀竹膚麤澀如木工所用砂紙可以錯磨爪甲

虞衡志

思牢竹出思牢國用為箭可奪會稽之美其節有勒可  
以批瓜俗名澀勒東坡澀勒暗蠻溪美山思牢弩箭磨  
青石繡額蠻奴三虎刀竹譜竹筴筩失其本矣

赤雅

筩筴竹嶺表錄異云竹薄而空多大者徑不逾二寸皮  
上有粗澀可為錯子錯甲勝於鐵若鈍以漿水洗之還

復快利

南寧府志

箭竹

箭竹山中悉有

虞衡志

箭竹節密肉厚禹貢云細者為篠

南寧府志

慈淨竹

慈淨竹二竹一俯一仰可以代瓦

同上

蕩竹

蕩竹葉大且密畧如蘆葦

虞衡志

人面竹

人面竹節密而凸宛如人面人採為拄杖

同上

棘竹

棘竹一名筩竹節皆有刺數十莖為叢南夸種以為城  
猝不可攻或自崩根出大如酒甕縱橫相承狀如繅車

食之落人髮

酉陽雜俎

南土有刺竹枝上有刺南人呼為刺勒自根橫生枝條  
展轉如織雖野火焚燒只燎細枝嫩葉春叢生轉復牢

密邕州舊以刺竹為牆蠻蠻來侵竟不能入

嶺表錄異

笏竹刺竹也芒棘森然

虞衡志

笏竹今南寧隨處有之唐宣宗時王式為安南都護式樹笏竹為柵深塹其外寇不能冒黃齊守新州無城以此竹植之羔豚不能入傳聞交趾外城亦是此竹余至南寧嘗於城隘處所移種植之自後數年駢接成林宛

若兵衛亦保障之一事也

南寧府志

棘竹有刺長七八丈大如甕

南方異物志

釣絲竹

釣絲竹類蕩竹枝極柔弱

虞衡志

青黃竹

青黃竹通志云青黃間碧玉

南寧府志下同

筓竹

筓竹葉細叢踈節遠可為篾絲以織器用齊民要術始興郡出筓竹大者圍二尺長四丈交趾有栗竹實中勁強有毒以刺虎中之則死似亦此類

油梧竹

油梧竹南方草木狀云油梧竹吏民家種之長三四丈圍一尺八九寸作屋柱出交趾

筋竹

筋竹竹譜云長二丈許圍數尺至堅利出日南九真南方以為矛其笋未成時堪為弩絃竺法真登羅山疏云嶺南道無筋竹惟羅山有之其大尺圍細者如黃金堅貞踈節



鳳尾竹

鳳尾竹纖葉翠枝可供清玩

薤菜

南方草木狀薤菜葉如落葵而小性冷味甘南人編葦  
為筏作小孔浮於水中種子於水中則如萍根浮水面  
及長莖葉皆出於葦筏孔中隨水上下南方之奇蔬也  
治葛有大毒以薤汁滴其苗當時萎死世傳魏武能噉  
治葛至一尺云先食此菜

蕤菜幹柔如蔓中空葉似菠薐及鑿頭開白花南人編  
葦種水中陸種者宜濕地畏霜雪九月藏窖中三四月  
取出墾以糞土節節生芽一本可成一畦生嶺南

羣芳譜

### 藤菜

藤菜一名紫果東坡詩可以敵蓴羹

通志

### 猴葵

猴葵色赤生石上南越謂之鹿角

南越志

### 睡菜

睡菜五六月生田塘中葉類茨菰根如藕梢土人採根  
為鹽菹或云食之好睡

北戶錄

韭

平樂東亭村北山甚高峻上合下空空徼東西廣二丈  
許起高如屋中有石林甚整頓傍生野韭人往乞者神  
許則風吹制分隨偃而輸不得過越不偃而輸輒凶

劉鳳

雜組

水韭

水韭生於野塘中葉似韭得非龍爪韭乎有二三尺者

五六月堪食不葷而脆字林云簽音嚴水中野韭也又吟

音吟見字林似蒜生水中

北戶錄

### 白蘘荷

丘瓊山羣書抄方載中蠱毒用白蘘荷引柳子厚詩云  
云且曰子厚在柳州種之其地必有此種仕於茲土者  
物色之蓋亦不知為何物也

羣芳譜

### 八角茴香

八角茴香北人得之以薦酒少許咀嚼甚芬香出左右

江州洞中

虞衡志

八角茴香廣西左右江峒中有之形色與中國茴香迥

別但氣味同爾

本草綱目

諸

甘藷似芋亦有巨魁剝去皮肌肉正白如脂肪南人專

食以當米穀

異物志

甘藷二月種至十月乃成卵大者如鷄卵小者如鷄鴨

卵掘出蒸食其味甘甜經久得風乃淡泊

南方草木狀

嶺外多諸間有發深山邃谷而得者枝塊連屬有重數

十斤者味極甘香名玉枕諸

釋史類編

閩廣諸有二種一名山諸彼中故有之一名番諸有人自海外得此種海外人亦禁不令出境此人取諸絞入汲水繩中因得渡海分種移植遂開閩廣之境兩種莖葉多相類但山諸植援附樹乃生番諸蔓地生山諸形魁壘番諸形圓而長其味則番諸甚甘山諸稍劣

甘諸疏

茄

宿根茄本不凋明年結實

虞衡志

茄宿根三年後樹老子稀即伐去別栽嫩者

嶺表錄異

茄白紫二種嶺表宿根有二三年漸長枝幹乃如大樹每夏秋熟則梯取之其每歲植者生子熟食之厚腸胃動氣發痰欲其子繁待其花時取葉布於行路以灰規之人踐之子必繁也其根燒灰可以煨香

南寧府志

杉菌

杉菌出宜州生積年杉木上狀若菌采無時

潘之恒  
廣菌譜

### 雷菌

廣西橫州出雷菌遇雷過即生須疾采之稍遲則腐或老不堪用矣作羹甚美如鷄縱之屬其價並珍

廣菌譜

### 排草香

排草香出交趾今嶺南亦或時之草根也白色狀如細

柳根人多偽雜之

本草  
綱目

排草香狀如白茅香芬烈如麝香人亦用以合香諸香



無及之者

虞衡志

鎮安府近交趾境上有一嶺出香草狀類排草而稍粗左江人以此之作安息香亦雜於排草中貨之每十月以後羣取之搜抉無遺經春則復生然惟一嶺有之踰嶺則無海南人取沉香速香歧南旋風諸香每數人合夥裹半月乾炒相與入深山中求之或一二日即得之或半月不得徒手歸者亦有命也有香之處即有蟻封高三三尺人隨挖之則其下必有異香大抵沉香為多亦

有深入岐人境內者中州水晶皆為玩好彼處五指山  
傍滿山皆是望之如雪而光采過之人取以為假山有  
高至丈餘者亦不足異也

月山  
叢談

明正德十六年十一月罷廣西香貢仍遍諭各處鎮巡  
守備官凡額外之征皆罷之初中官鎮廣西者歲以零  
陵香進費至二千金武宗即位詔却諸獻而廣西徵香  
貢如故至是布政使王啟等請并罷詔從之

典彙

鬱金香

許氏說文解字云鬱芳草也十葉為貫百二十貫築以  
煮之鬱鬯乃百草之英合而釀酒以降神乃遠方鬱人  
所貢故謂之鬱鬱今鬱林郡也漢鬱林郡即今廣西貴  
州潯柳邕賓諸州之地一統志惟載柳州羅城縣出鬱  
金香即此也金光明經謂之荼矩麼香此乃鬱金花香  
與金時所用鬱金根名同物異

本草  
綱目

### 白茅香

白茅香生安南如茅根道家用作浴湯廣志云生廣南

山谷合諸名香甚奇妙尤勝舶上來者此亦今排草之

類

本草  
綱目

龜甲香

龜甲香即桂香嘉者一名紫朮香一名金杜香一名麝

草香出蒼梧桂林二郡界

述異  
記

耕香

耕香莖生細葉味辛溫無毒主臭鬼氣調中生烏許國

洪芻

香譜

龍涎香

龍涎香出西洋諸國番舶徑往東澳元非西產萬厯甲午命福建兩廣辦進西人亦為之困則廣之一字累之也

嶠南  
瑣記

仙茅

廣西英州多仙茅其羊食之舉體悉化為筋不復有血

肉食之補人名乳羊

虞衡志

仙茅一名獨茅服之延年

南寧府志

三七

三七生廣西南丹諸州番峒深山中采根暴乾黃黑色  
團結者狀畧似白及長者如老乾地黃有節味微甘而  
苦頗似人參之味

本草  
綱目

三七南丹雖產蓋少而味劣不若田州產多而更佳其  
味似人參每莖上七葉下三根故名三七重擬良金一  
名金不換一名血見愁專治血症

慶遠  
府志

錦地羅

錦地羅出廣西慶遠山巖間鎮安歸順柳州皆有之根

似草薺及枯樓根狀彼人頗重之以充食物

本草綱目

錦地羅苗有節似竹可塗腫毒

南寧府志

### 高良薑

高良薑嶺南諸州皆有之內郡雖有而不堪入藥春生

莖葉如薑苗而大高一二尺許花紅紫色如山薑花

本草

綱目

良薑本草生儋州或曰出高涼故名主治霍亂腹痛

南寧

府志

何首烏

李遠附錄云何首烏以出南河縣及嶺南恩州韶州潮州賀州廣州潘州四會縣者為上邕州桂州康州春州高州勒州循州晉興縣出者次之真仙草也五十年者如拳大號山奴服之一年髮鬣青黑一百年者如盆大號山哥服之一年顏色紅悅一百五十年者如盆大號山伯服之一年齒落更生二百年者如斗栲栳大號山



翁服之一年顏如童子行及奔馬三百年者如三斗栲  
栲大號山精純陽之體久服成地仙也

本草  
綱目

### 銅鼓草

銅鼓草其實如瓜療瘍毒

虞衡  
志

### 大蒿

大蒿容悟道中久無霜雪處年深滋長大者可作屋柱

小亦中肩輿之扛

虞衡  
志

### 長命草

長命草一名龍芽葉厚圓花黃經年不枯

南寧府志下同

接骨草

接骨草苗似竹節可續斷骨

刀鎗草

刀鎗草細葉黃花止血鎗血

石髮

石髮出海上纖長如絲縷

虞衡志

苦地膽

苦地膽葉可貼熱毒瘡

南寧府志

### 倚待草

倚待草生桂州始安山谷葉圓高二三尺八月采味甘  
溫無毒主治血氣虛勞腰膝疼弱風緩羸瘦無顏色絕  
傷無子婦人老血浸酒服逐病極速故名倚待

本草綱目

### 都管草

都管草一莖六葉辟蜈蚣蛇

虞衡志

都管草生宜州田野根似羌活頭歲長一節苗高一尺

許葉似土當歸有重臺二月八月采根陰乾

本草綱目

釵子股

一名金釵股生嶺南及南海山谷根如細辛每莖三四  
十根嶺南多蠱毒彼人以草藥金釵股治之十救七八  
其狀如石斛又忍冬藤解毒亦號金釵股

同上

匾來

匾來細如行蒂匾如薤菜長一二尺

虞衡志

虎耳草

虎耳草叢生水澤中似虎耳名旱草搗汁和蜜酒成膏

潤肺烏髭髮

南寧府志

鬱金

鬱金葉似黃薑根如螳螂肚味香辣苦寒無毒如紅藍

花甚香

同上

鬱金生蜀地及西戎者無實破血而補嶺南者有實似

小豆不堪噉

本草綱目

馬鞭草

馬鞭草生苗似茅芽而莖圓高二三尺抽三四穗生取

搗汁一升飲之能消癥瘕

南寧府志

### 箭頭風

箭頭風花似箭鏃可治風

### 礪砂蜜

礪砂蜜嶺南山澤間有之苗莖似高良薑高三四尺葉長八九寸濶半寸已來三月四月開花在根下五六月成實五七十枚作一穗狀似益智而圓皮緊厚而皺有

粟紋外有細刺黃赤色皮間細子一團八隔可四十餘粒如大黍米外微黑內色白而香似白豆蔻仁七月八月采之辛香可調食味及蜜煎糖纏用

本草綱目

礪砂本草作礪砂莖苗似薑形如白豆蔻其皮緊厚而皺黃白主消宿食治痢疾

南寧府志

### 澤蘭

澤蘭梧州有之根紫黑色如粟根二月生苗高二三尺莖幹青紫色作四稜葉生相對如薄荷微香七月開花

帶紫白色萼通紫色亦似薄荷花三月采苗陰乾荆湖

嶺南人家多種之

本草綱目

澤蘭一名虎蘭亦名都梁葉生相對如薄荷味微溫無

毒生地澤治癰腫傷損乳婦衄血

南寧府志

鷺抱

鷺抱生宜州山林下附石而生作蔓似大豆其根形似  
萊菔大者如三升器小者如拳二月八日采根切片陰

乾用解蠻箭藥毒

本草綱目



紅果草

紅果草有二種果大者葉畧尖不堪入藥果小如小指

頂者葉圓邊花梗有軟刺可治牙痛

南寧府志

山豆根

山豆根生宜州山谷今廣西亦有以忠州萬州者為佳  
苗蔓如豆葉青經冬不凋八月采根廣南者如小槐高  
尺餘石鼠食其根故嶺南人捕鼠取腸胃曝乾解毒攻

熱效

本草綱目

獨搖草

獨搖草生嶺南無風獨搖帶之能令夫婦相愛草頭如  
彈子尾若鳥尾兩片闊合見人自動

羣芳譜

相憐草

周子功云南丹州山中產相憐草媚藥也或有所囑密  
以草少許擲之草心著其身不脫彼必將從而不捨嘗

得試輒驗後為徐有功取去

周密癸辛雜識

睡草

桂林有睡草見之則令人睡一名醉草亦呼嬾婦箴出

南海地記

述異記

不死草

不死草廣西柳州產苴草如茅高二三尺食之多壽故名夏月采置几筵中則蚊蠅不近物亦不速腐

華夸花木考

悶陀羅

予官農部河南司時曹長武陵龍君善偶一日曹事畢遣吏承印還寓吏塗遇一人云當赴曹投牒者引去他

處飲以酒吏即昏迷若寐及覺印為盜去矣數日捕得盜者予偕往訊之對云用風茄為末投酒中飲之即睡去須酒氣盡乃寤問從何得之云此廣西產市之棊盤街鬻雜藥者令土人謂之顛茄風猶顛也一名悶陀羅按本草佛說法時天雨曼陀羅花云即此又北斗經有陀羅星使者手執此花因以名花

嶠南  
瑣記

### 毒草

野葛生桂州以南村墟閭巷間皆有彼人通名鉤吻亦

謂苗為鉤吻根名野葛蔓生其葉如柿其根新采者皮  
白骨黃宿根似地骨嫩根如漢防己皮節斷者良正與  
白花藤相類新者折之無塵氣經年之後則有塵起從  
骨之細孔中出人誤食其葉者致死而羊食其茁大肥  
博物志云鉤吻蔓生葉似鳧葵是也嵇含南方草木狀  
云野葛蔓生葉如羅勒光而厚一名胡蔓草人以雜生  
蔬中毒人半日輒死嶺南衛生方云胡蔓草葉如茶其  
花黃而小一葉入口百竅潰血人無復生也訪之南人

云鉤吻即胡蔓草今人謂之斷腸草蔓生葉圓而光春夏嫩苗毒甚秋冬枯老稍緩五六月開花似檉柳花數十朵作穗生嶺南者花黃生滇南者花紅呼為火把花

本草

綱目

鉤吻食葉飲冷水即死冷水發其毒也彼土毒死人懸尸樹上汁滴地上生菌子收之名菌藥烈於野葛也雍菜搗汁解野葛毒取汁滴野葛苗即萎死南人先食雍菜後食野葛二物相伏自然無苦魏武帝噉野葛至尺

先食此菜也李石續博物志云胡蔓草出二廣廣人負  
債急每食此草而死以誣人以急水吞即死急慢水吞  
死稍緩或取毒蛇殺之覆以此草澆水生菌為毒藥害  
人葛洪肘后方云凡中野葛毒口不可開者取大竹筒  
洞節以頭拄其兩脅及臍中灌冷水入筒中數易水須  
臆口開乃可下藥解之惟多飲甘草汁人屎汁白鴨或  
白鷺斷頭瀝血入口中或羊血灌之嶺南衛生方云即  
時取雞卵抱未成雛者研爛和麻油灌之吐出毒物乃

生稍遲即死也

同上

胡蔓草生邕容間叢生花偏如梔子稍大不成朵色黃

白葉稍黑誤食之數日卒飲白鷺白鴨血則解或以一

物投之祝曰我買你食之立死

酉陽雜俎

治葛食之立死有治葛處即有白藤花能解治葛毒鳩

鳥食水之處即有犀牛犀牛不濯角其水物食之必死

為鳩食蛇之故

朝野僉載

斷腸草形如阿魏葉長尖條蔓生虧三華以上即死乾



者或收藏經久作末食亦死如食未久即以天汁灌可  
解其毒此草近人則葉動將嫩葉心浸水涓滴入口即  
百竅潰血其法急以伏卵不生雞雛者細研和香油灌  
之乃盡吐出惡物而甦少遲不可救矣

顧文薦船  
窓夜話

斷腸草其幹成藤其葉似萋多盤生路傍食之即時腸  
斷而死故愚者常服以圖賴用狗屎調水灌下令其吐

出即愈

南寧  
府志

斷腸草一名胡蔓形似黃精又一名野葛人食之立死

羊食之而肥故中其毒者用羊血灌之可解也平樂人  
有三女俱年幼晨出田間拾菜日晚不歸往視之則枕  
藉死矣傍有斷腸草數處尚有握手中者李白詩昔作  
芙蓉花今為斷腸草芙蓉花亦斷腸草之名花之美似  
芙蓉也或云葉大如人手掌見人則獵獵鼓搖若招之  
者取狝腸一段杵汁入之繫其兩端汁從中穿走腸斷  
乃止

嶠南  
瑣記

胡蔓草生山溪間葉似茶而尾尖每日隨東而此草向

東日返西而此草向西土人取而噉之隨飲溪水須臾  
毒發心腹腫痛面青腸斷立斃若未噉水尚可解救方  
用人糞汁灌吐此草無患再生殺雞雛搗漿水乘熱

灌之可活

永福  
縣志

杭藥毒草鳥不敢栖其上形似獨巢蒜生深山中就其  
處採煎忌雞犬聲用蘸弩矢試之法以鍼刺臂血仍用  
拇指緊按刺孔令人蘸粟許趕血血縮倒回者方可用  
不先按其刺孔血縮入肉其人立死如不縮者是雞犬

之聲敗之也

赤雅

雞母草塗箭射禽獸立死

南寧府志下同


火旺草毒魚立死

菌毒

嶺南風俗多為毒藥令老奴食治葛死埋之土堆上生菌子其正當腹上食之立死手足額上生者當日死旁自外者數日死漸遠者或一月兩月全遠者或二年三年無得活者惟有陳懷卿家藥能解之或有以菌藥塗

馬鞭頭馬控上拂著手即毒拭著口即死

朝野  
僉載



粵西叢載卷二十一